

Lampiran Penerangan Produk - Insurans Salah Amalan Perubatan bagi Pengamal Individu Chubb Elite



Sila baca Helaian Pendedahan Produk ini sebelum anda memutuskan untuk mengambil Polisi Insurans Salah Amalan Perubatan bagi Pengamal Individu Chubb Elite. Pastikan anda juga membaca terma dan syarat am.

1. Apakah produk ini?

Polisi ini menyediakan penyelesaian khusus untuk menguruskan spektrum pendedahan industri yang dihadapi oleh pengamal perubatan individu.

2. Apakah perlindungan / manfaat yang disediakan?

Polisi ini melindungi:

- Tuntutan liabiliti awam yang timbul daripada tindakan, ralat atau ketinggalan dalam peruntukan perkhidmatan kesihatan profesional;
- Kos perwakilan undang-undang yang ditanggung secara langsung berkaitan dengan pertanyaan rasmi mengenai pelaksanaan perkhidmatan kesihatan profesional;
- Liabiliti gantian untuk doktor (termasuk lokum), perunding, kontraktor, subkontraktor dan ejen;
- Perlakuan samaritan yang baik;
- Pelanggaran harta intelek secara tidak sengaja;
- Kos yang munasabah dan perlu untuk menggantikan dan memulihkan dokumen yang hilang;
- Perlindungan automatik untuk anak syarikat baharu yang diambil alih atau dibentuk dalam tempoh insurans (hanya terpakai untuk institusi perubatan);
- Perlindungan terus tanggung automatik;
- Perlindungan berterusan sekiranya pengambil insurans mengekalkan perlindungan indemniti profesional dengan Kami;
- Bayaran pendahuluan kos pembelaan dan perbelanjaan perwakilan undang-undang.

Tempoh perlindungan adalah satu tahun. Anda perlu memperbaharui polisi insurans anda setiap tahun.

Nota: Penerangan mengenai perlindungan yang tersedia hanya sebagai ringkasan untuk rujukan pantas dan mudah. Sila rujuk kontrak polisi untuk maklumat lengkap perlindungan/manfaat di bawah Polisi ini.

3. Berapakah premium yang perlu saya bayar?

Premium yang perlu anda bayar mungkin berbeza bergantung pada kepakaran seseorang atau skop perkhidmatan yang ditawarkan dan keperluan pengunderitan kami.

4. Apa yang perlu saya bayar selain daripada Premium?

- Duti setem - RM10
- Cukai Perkhidmatan (CP)(jika berkenaan) - Kadar CP berkenaan yang dikenakan oleh Kerajaan
- Komisen yang dibayar (termasuk dalam premium) kepada Perantara Insurans (jika ada) - maksimum sehingga 25% daripada premium.

5. Apakah terma dan syarat utama yang perlu diambil perhatian?

- Kepentingan pendedahan

Kewajipan Anda Kepada Kami

1. Kewajipan untuk Polisi Insurans Pengguna

- 1.1 Jika Polisi ini adalah Polisi Insurans Pengguna, maka Anda mempunyai kewajipan untuk mengambil penjagaan munasabah:
 - (a) tidak membuat salah nyataan kepada Kami apabila menjawab apa-apa soalan yang Kami tanya di dalam borang cadangan
 - (b) semasa memperbaharui Polisi ini, tidak membuat salah nyataan kepada Kami ketika menjawab apa-apa soalan, atau mengesahkan atau meminda apa-apa perkara yang telah didedahkan sebelum itu kepada Kami berhubung dengan Polisi ini; dan
 - (c) untuk mendedahkan kepada Kami apa-apa perkara, selain daripada apa yang Kami kehendaki dalam (a) dan (b) di atas, yang Anda tahu sebagai berkaitan dengan keputusan Kami sama ada untuk menerima atau tidak risiko dan kadar dan terma yang hendak dipakai.

2. Kewajipan untuk bukan Polisi Insurans Pengguna

- 2.1 Jika Polisi ini bukan Polisi Insurans Pengguna, maka Anda mempunyai kewajipan untuk mendedahkan kepada Kami apa-apa perkara yang:
 - (a) Anda tahu sebagai berkaitan dengan keputusan Kami sama ada untuk menerima atau tidak risiko dan kadar dan terma yang hendak dipakai; atau
 - (b) seorang yang munasabah dalam hal keadaan itu boleh dijangka untuk tahu sebagai berkaitan.

“Polisi Insurans Pengguna” bermaksud kontrak insurans yang dibuat, diubah atau diperbaharui oleh seseorang untuk tujuan peribadi sahaja yang tidak berkaitan dengan perdagangan, perniagaan atau profesi individu tersebut.

Polisi Insurans bukan Pengguna ialah polisi selain daripada Polisi Insurans Pengguna.

- Anda mesti, dengan perbelanjaan anda sendiri mengambil semua langkah dan langkah berjaga-jaga yang wajar dalam melakukan semua perkara yang boleh dilaksanakan secara wajar untuk mengelakkan atau mengurangkan kerugian sebenar atau mungkin yang timbul daripada apa-apa tuntutan.
- Tiada Pengakuan Liabiliti: Anda tidak boleh mengakui liabiliti, tawaran, janji atau pembayaran kepada pihak menuntut tanpa persetujuan bertulis daripada kami.
- Lebihan ialah jumlah pertama yang perlu dibayar oleh pengambil insurans bagi setiap satu kerugian.
- Anda hendaklah memberikan notis bertulis kepada kami secepat mungkin setelah tuntutan boleh dilaksanakan.

Perkara di atas adalah ringkasan sebahagian terma dan syarat utama polisi dan adalah tidak lengkap. Sila baca kontrak polisi untuk keseluruhan terma dan syarat insurans ini.

6. Apakah pengecualian-pengecualian utama di bawah polisi ini?

Polisi ini tidak menyediakan perlindungan untuk kerugian yang berkaitan dengan:

- Pelanggaran kontrak dan liabiliti & kewajipan tertanggung;
- Kegagalan kewangan dan hutang perdagangan;
- Apa-apa kerugian, kerosakan atau kemusnahan harta;
- Pencemaran atau bahan pencemar;
- Liabiliti produk;
- Perang dan keganasan.

Senarai ini tidak lengkap dan tidak terpakai untuk semua seksyen. Sila rujuk sampel kontrak polisi untuk senarai penuh pengecualian.

7. Bolehkah saya membatalkan polisi saya?

Anda boleh membatalkan Polisi ini dengan memberikan 30 hari notis bertulis kepada kami. Setelah pembatalan dibuat, kami akan pengembalian premium berdasarkan kadar jangka pendek untuk tempoh insurans yang belum tamat.

8. Apakah yang perlu saya lakukan sekiranya terdapat pertukaran pada butiran hubungan saya?

Anda hendaklah memaklumkan kepada kami tentang apa-apa pertukaran dalam butiran hubungan anda untuk memastikan segala surat-menyerat sampai kepada anda tepat pada masa.

9. Dari mana saya boleh dapatkan maklumat lanjut?

Sekiranya anda memerlukan maklumat tambahan mengenai Insurans Salah Amalan Perubatan bagi Pengamal Individu Chubb Elite, anda boleh menghubungi perantara insurans anda, atau menghubungi kami di cawangan kami di seluruh negara atau di:

Chubb Insurance Malaysia Berhad
No. Pendaftaran: 197001000564 (9827-A)
Wisma Chubb
38 Jalan Sultan Ismail
50250 Kuala Lumpur
T +6 03 2058 3000
F +6 03 2058 3333
E Inquiries.MY@chubb.com
W www.chubb.com/my

10. Perlindungan insurans serupa lain yang tersedia

Tiada

NOTA PENTING:

ANDA MESTI MEMASTIKAN HARTA ANDA DIINSURANSKAN PADA JUMLAH YANG SESUAI. ANDA HENDAKLAH MEMASTIKAN BAHAWA POLISI INSURANSINI MEMENUHI KEPERLUAN ANDA DAN PREMIUM YANG PERLU DIBAYAR DI BAWAH POLISI INI ADALAH JUMLAH YANG MAMPU ANDA BAYAR. ANDA HENDAKLAH MEMBACA DAN MEMAHAMI POLISI INSURANS DAN BERBINCANG DENGAN PERANTARA INSURANS ATAU MENGHUBUNGI CHUBB INSURANCE MALAYSIA BERHAD SECARA LANGSUNG UNTUK MAKLUMAT LANJUT.

Maklumat yang diperuntukkan dalam helaian pendedahan ini adalah ringkasan untuk rujukan pantas dan mudah. Terma dan syarat tepat yang berkenaan dinyatakan dalam kontrak polisi.

Helaian pendedahan produk ini disediakan dalam Bahasa Inggeris dan Bahasa Melayu. Sekiranya terdapat pertikaian antara versi Bahasa Inggeris dengan Bahasa Melayu, versi Bahasa Inggeris hendaklah digunakan.

Sila maklum bahawa:

- anda mempunyai kewajipan untuk mengambil langkah-langkah sewajarnya untuk memberikan semua maklumat yang relevan kepada kami atau perantara kami agar kami dapat menyediakan produk kewangan yang paling sesuai kepada anda. Sekiranya anda menyembunyikan sebarang maklumat yang kami atau perantara kami minta, atau memberikan maklumat yang tidak tepat, kami mungkin tidak dapat mengesyorkan produk kewangan yang sesuai kepada anda untuk memenuhi keperluan anda;
- anda hendaklah membaca dan memahami syarat kontrak dan berbincang lebih lanjut dengan kami atau perantara kami jika terdapat syarat yang tidak difahami, sebelum menerima kontrak polisi.

Dengan menerima kontrak polisi, anda memperakui bahawa perantara atau pegawai Chubb telah menerangkan kepada anda dengan jelas mengenai perlindungan kontrak polisi dan syarat-syarat kontrak utama, dan bahawa kontrak polisi yang ditawarkan sesuai untuk keperluan insurans anda.

Maklumat yang diperuntukkan dalam helaian pendedahan produk ini adalah sah pada 01/06/2024.

CHUBB INSURANCE MALAYSIA BERHAD dilesenkan di bawah Akta Perkhidmatan Kewangan 2013 dan dikawalselia oleh Bank Negara Malaysia.

Manfaat-manfaat yang dibayar di bawah sijil/polisi/produk yang layak adalah dilindungi oleh PIDM sehingga had perlindungan. Sila rujuk kepada [Brosur Sistem Perlindungan Manfaat Takaful dan Insurans PIDM](#) atau hubungi [Chubb Insurance Malaysia Berhad](#) atau PIDM (layari www.pidm.gov.my).